

Comisiynu Gwasanaethau Iechyd Arbenigol Cymru **CYLCHLYTHYR**

2il Rifyn, Hydref 2022



**GIG
CYMRU
NHS
WALES**

Pwyllgor Gwasanaethau
Iechyd Arbenigol Cymru
Welsh Health Specialised
Services Committee



Unedau Newyddenedigol De Cymru



Dyma'r ail rifyn o gylchlythyr
Ansawdd gan dîm Gwasanaethau
Iechyd Arbenigol Cymru yng
Nghymru. Ein cynllun yw cyhoeddi'r
rhain bob chwarter i ategu
adroddiadau a data a ddarparwyd
eisoes drwy wahanol fforymau i
Fyrddau Iechyd Cymru.

**Mae'r Cylchlythyr hwn hefyd
ar gael yn Saesneg.**



Mae hwn yn rhoi trosolwg o
rywfaint o'r gwaith yr ydym yn
ymwneud ag ef, ac yn cyflwyno
rhai o'r uchafbwyntiau o safbwynt
comisiynu. Mae'r gwasanaethau
a gomisiynir gan Bwyllgor
Gwasanaethau Iechyd Arbenigol
Cymru (PGIAC) yn cael eu darparu
yng Nghymru ac yn Lloegr, dim ond
ciplun o'n gwaith y bydd hwn yn ei
roi.



**GIG
CYMRU
NHS
WALES**

Pwyllgor Gwasanaethau
Iechyd Arbenigol Cymru
Welsh Health Specialised
Services Committee


Cynnwys

Adrodd ar y Chwarter Diwethaf.....	3
Diweddariad gan y Tîm Gofal Cleifion IPFR (Cais Cyllido Cleifion Unigol).....	4
Gwasanaeth Rhywedd Cymru.....	4
Diweddariadau Diogelwch Cleifion Ebrill a Mehefin 2022.....	4
Diwrnod Datblygu Ansawdd a Diogelwch Cleifion	5
Digwyddiad Cydgynhyrchu Tŷ Llidiard.....	6
Gwasanaeth Pobl Ifanc Gogledd Cymru.....	7
Uned Diogelwch Canolig Tŷ Llewellyn.....	8
Gwobrau Moondance.....	9
Unedau Newyddenedigol De Cymru.....	10
Gwobrau Fferylliaeth Cymru 2022.....	12
Newyddion Cyflym o'r Timau Comisiynu.....	13
Cydnabod digwyddiadau arwyddocaol, diolch a dolenni defnyddiol..	14
Iechyd Cyhoeddus Cymru - gwerthusiad gweithredu 30 mis ar gyfer Profi Cyn-genï Anfewnwithiol (NIPT).....	14
Rhaglen Rhwydwaith Clinigol.....	15
NETS.....	15

Adrodd ar y Chwarter diweddaf


Nid yw PGIAC yn ymchwilio i ddigwyddiadau ond mae'n gyfrifol am gefnogi'r ymchwiliadau i'r rhain ochr yn ochr â monitro ac adrodd i'r Byrddau Iechyd. Mae PGIAC yn gyfrifol am sicrhau bod gwasanaethau diogel yn cael eu darparu a sicrhau bod gan dueddiadau neu themâu sy'n codi o bryderon gynlluniau gweithredu sy'n cael eu cwblhau ac sy'n cefnogi dysgu. Mae PGIAC yn hwyluso monitro parhaus gwasanaethau a gomisiynir ac yn gweithio gyda darparwyr pan fydd materion yn codi.

Math yn ôl Tîm Comisiynu




Digwyddiadau Diogelwch Cleifion a Hysbysiadau Rhybudd Cynnar

Rhwng mis Mawrth a mis Gorffennaf 2022, cofnodwyd **10** Digwyddiad Diogelwch Cleifion a **4** Hysbysiad Rhybudd Cynnar:



Digwyddiadau Diogelwch Cleifion

Rhwng mis Mawrth a mis Gorffennaf 2022, caewyd **9** Digwyddiad Diogelwch Cleifion:



Gall pryderon a godir gyda PGIAC gynnwys ymateb uniongyrchol gan y sefydliad neu gynnwys ymateb ar y cyd â'r Bwrdd Iechyd sy'n comisiynu neu efallai y bydd angen i PGIAC ofyn i'r Bwrdd Iechyd ymateb yn uniongyrchol.



Pryderon



Digwyddiadau



Gweithio i Wella



Cwynion

Diweddariad gan y Tîm Gofal Cleifion IPFR (Cais Cyllido Cleifion Unigol)

Mae'r Tîm Gofal Cleifion yn derbyn ac yn rheoli ceisiadau ariannu cleifion unigol am ofal iechyd sydd y tu allan i'r ystod gytunedig o wasanaethau.

Trosolwg o IPFRau a broseswyd yn Chwarter 1 2022-23:

	Nifer y Ceisiadau a drafodwyd fel Camau Gweithredu Cadeiryddion	Nifer y Ceisiadau a drafodwyd gan Banel IPFR Cymru Gyfan
Ebrill 2022	16	-
Mai 2022	7	14
Mehefin 2022	2	10

Gwasanaeth Rhywedd Cymru

Cyhoeddodd Gwasanaeth Rhywedd Cymru eu Cylchlythyr cyntaf erioed yng Ngwanwyn 2022 ac mae rhifyn yr Haf i ddilyn. Ond am y tro, gweler rhifyn y Gwanwyn yma:



[Gwasanaeth Rhywedd Cymru:](#)
[Cylchlythyr y Gwanwyn Ebrill 2022](#)



Diweddariadau Diogelwch Cleifion Ebrill a Mehefin 2022



[Diweddariad Diogelwch Cleifion: 5 Ebrill 2022](#)




[Diweddariad Diogelwch Cleifion: 28 Mehefin 2022](#)




Diwrnod Datblygu Ansawdd a Diogelwch Cleifion

Bydd PGIAC yn cynnal Diwrnod Datblygu Ansawdd a Diogelwch Cleifion ar 26 Medi 2022. Bydd Cydweithwyr Ansawdd Clinigol ac Aelodau Annibynnol o Fyrddau Iechyd Cymru yn bresennol. Bydd y diwrnod yn cynnwys cyflwyniadau systemau data gan NHS England, y tîm data yn PGIAC a chyflwyniadau gan dîm yr Uned Gyflawni a PCGC. Bydd crynodeb ac adborth o'r diwrnod yn cael eu darparu yn y cylchlythyr nesaf!



Digwyddiadau
Diogelwch
Cleifion



Gwranddo



Digwyddiadau
Byth



Tawelwch
meddwl



Adrodd



Dysgu




Cydymffurfriad



Ansawdd



Diwylliant



Sicrwydd




Adborth



Profiad



Gwella



Yn datblygu



Arloesi



Digwyddiad Cydgynhyrchu Tŷ Lliardiard

Mae Tŷ Lliardiard wedi cynnal digwyddiad cydgynhyrchu yn ddiweddar a oedd yn cynnwys pobl ifanc, eu gofalgwyr a'r staff sy'n gweithio yn Nhŷ Lliardiard. Roedd y digwyddiad yn canolbwyntio ar fod yn: Dosturiol, Tawel, Hyderus a Gofalgar.



Drwy ymgynghori â Staff a'r Bobl Ifanc sy'n defnyddio Tŷ Lliardiard, lluniodd Scarlett Design 4 cynnig dylunio posibl gydag enghreifftiau o sut yr hoffem eu defnyddio i greu athroniaeth a hunaniaeth fewnol ac allanol.



Rhannwyd y diwrnod yn 3 sesiwn:-

- ✓ Cyn-ddefnyddwyr gwasanaeth a'u teuluoedd ynghyd â rhanddeiliaid allanol.
- ✓ Y bobl ieuainc oedd wedi'u derbyn yno ar y pryd.
- ✓ Staff Tŷ Lliardiard.

Mynychodd dros 70 o bobl ar y diwrnod gyda 50 arall yn rhoi adborth yn electronig a thrwy ddefnyddio'r ffurflenni adborth a'r blwch a adawyd yng nghyntedd Tŷ Lliardiard am 6 wythnos ar ôl hynny.

Y prif themâu a ddaeth gan y bobl ifanc oedd lleihau diflastod trwy ymgysylltu a gweithgareddau ac roedd y staff yn ymwneud â chyfathrebu a chymorth. Pleidleisiodd dros 100 o bobl ar yr hunaniaeth weledol / logo gyda bron i 70% yn pleidleisio ar y dyluniad hwn.

Y camau nesaf yw defnyddio'r logo cytunedig ar wisgoedd, arwyddion ac ar du allan Tŷ Lliardiard. Cafwyd adborth cadarnhaol gan Gyfarwyddwr Cyffredinol Iechyd a Gwasanaethau Cymdeithasol/ Prif Weithredwr GIG Cymru.





Uned Glasoed Gogledd Cymru

Mae datblygiadau cadarnhaol ar gyfer Plant a Phobl Ifanc sy'n cael eu trin ar gyfer Anhwylderau Bwyta o fewn y gwasanaeth. Dros amser, cydnabuwyd bod anghenion pobl ifanc sy'n cael eu derbyn i ward Cudylllog ag anhwylder bwyta wedi newid. Yn hanesyddol, roedd gan ward Cudylllog gyfran uchel o dderbyniadau yn gysylltiedig ag Anorecsia Nerfosa (AN).

Ar draws Gogledd Cymru, bu cynnydd yn nifer y bobl ifanc sydd â chyflwyniadau cymhleth ynghylch bwyta sydd angen ymyrraeth. Mae hyn yn unol â'r atgyfeiriadau a'r cyflwyniadau a welwyd yng nghyd-destun cleifion mewnol.

Yn hanesyddol mae ward Cudylllog wedi dilyn model adfer pwysau ar gyfer anhwylderau bwyta, ni chafwyd unrhyw adolygiad ffurfiol o'r llwybr anhwylderau bwyta yn ystod y degawd diwethaf. Mae'r newid cydnabyddedig yng nghyflwyniad plant a phobl ifanc wedi ysgogi'r newid llwybr o un o adfer pwysau i lwybr gyda ffocws cryfach ar ymgysylltu â Phobl Ifanc.

Mae'r ward cleifion mewnol wedi ymrwymo i ddatblygu amgylchedd cyfeillgar i Awtistiaeth gan weithio ochr yn ochr â'r Gymdeithas Genedlaethol Awtistiaeth (NAS). Mae'r daith i achrediad gyda NAS wedi dechrau gyda'r cyfarfod cyntaf yn cael ei gynnal ym mis Awst 2022. Yn dilyn adolygiad o'r amgylchedd, roedd y cynghorydd NAS yn gallu gwneud awgrymiadau ynghylch yr hyn y gellid ei ddatblygu i sicrhau y gallai'r gwasanaeth wella'r modd y bodlonir anghenion plant a phobl ifanc sydd â diagnosis o Anhwylder Sbectrwm Awtistiaeth. Mae datblygiad yr amgylchedd yn cael ei arwain yn glinigol gan y tîm nyrsio a'i bartneru'n weithredol gan y tîm amlddisgyblaethol ehangach.

Mae'r gwasanaeth wedi croesawu rôl newydd eleni, datblygwyd rôl y Swyddog Cyswllt Cleifion yn dilyn tuedd mewn pryderon a nodwyd gan blant a phobl ifanc a theuluoedd a oedd yn cydnabod nad oedd cyfathrebu rhwng y gwasanaeth a theuluoedd mor effeithiol ag y gallai fod.

Mae'r swyddog cyswllt wedi chwarae rhan weithredol wrth wella rhannau o'r llwybr derbyn gan gynnwys y wybodaeth a ddosberthir i blant a phobl ifanc a theuluoedd cyn eu derbyn i'r ysbyty, gan gynnwys datblygu gwefan benodol i Wasanaeth Glasoed Gogledd Cymru (NWAS).

Mae pwyslais cryf ar beth yw'r rôl a sut y gall hyn gefnogi taith y plant, pobl ifanc a'r teulu. Yn ogystal, mae gan y swyddog cyswllt hefyd gysylltiad agos ag arweinwyr profiad cleifion rhanbarthol Gwasanaethau Iechyd Meddwl Plant a'r Glasoed (CAMHS) Bwrdd Iechyd Prifysgol Betsi Cadwaladr (BIP BC) sydd wedi datblygu cynllun gweithredu ar gyfer gwell profiad cleifion wrth ymarfer.

Cefnogodd y swyddog cyswllt y digwyddiadau siarter plant a gynhaliwyd gan arweinwyr profiad cleifion BIP BC CAMHS, gan adeiladu ar egwyddorion presennol ymgysylltu â phlant a phobl ifanc a gwella ffocws gofal sy'n canolbwyntio ar y claf. Mae datblygiad y llwybr Uwchymarferydd Nyrsio (ANP) bellach wedi'i gwblhau, mae gan y gwasanaeth 4 hyfforddai ANP ar hyn o bryd gyda 5ed yn ymuno ym mis Rhagfyr, ac mae pob un ohonynt yng ngham olaf eu hastudiaethau academiaidd, yn ystod eu cyfnod hyfforddi mae'r hyfforddeion yn ymgymryd â thasgau nyrsio lefel uwch dan oruchwyliaeth i sicrhau eu bod yn gallu bodloni pob un o 4 piler eu hyfforddiant lefel uwch.

Uned Diogelwch Canolig Tŷ Llewellyn

Cynhaliwyd cyfarfod gyda'r tîm ansawdd yn PGIAC gydag Uned Iechyd Meddwl Oedolion Diogelwch Canolig Tŷ Llewellyn ym mis Gorffennaf 2022.

Rhoddwyd diweddariad ar gynnydd y datblygiadau amgylcheddol, gweithlu ac ansawdd sydd wedi bod ar y gweill i gefnogi amgylchedd mwy therapiwtig a chydabyddiaeth glir iECHYD fonitro iechyd corfforol cleifion iechyd meddwl.

Mae'r rhain wedi cynnwys datblygu trosglwyddiad mwy cadarn, monitro gwiriad iechyd corfforol, hyfforddiant Sgôr Rhybudd Cynnar Cenedlaethol (NEWS) a mynediad at ofal meddygol 24 awr 7 diwrnod yr wythnos a pholisi i gefnogi monitro therapiwtig unigol.

Mae sesiynau staff ar wiriadau iechyd corfforol wedi cynnwys hyfforddiant pellach ar reoli sepsis ac adnabod a monitro sgîl-ffeithiau a all ddigwydd yn dilyn defnydd hirdymor o feddyginiaethau. Mae diwylliant o fod yn agored ac yn dryloyw yn cael ei annog a'i gefnogi'n barhaus.

Mae hyfforddiant mesur canlyniadau yn cael ei hwyluso ar gyfer rhai o'r staff ac mae rhai datblygiadau pellach o fewn yr uned i gasglu profiad y claf, a fydd yn cael ei rannu unwaith y bydd wedi'i gwblhau.



Gwobrau Moondance

Cynhaliwyd Gwobrau Cancer Moondance 2022 ar 16 Mehefin i ddathlu 'pobl wych ar draws GIG Cymru a'i bartneriaid a gynhaliodd, ac a arloesodd, wasanaethau cancer er gwaethaf amgylchiadau eithriadol y ddwy flynedd ddiwethaf'.

Ymhlith y rhestr fer lwcus o gynrychiolwyr a oedd yn aros yn eiddgar am y canlyniadau roedd cydweithwyr o Grŵp Cyngori Tomograffeg Allyrru Positronau Cymru Gyfan (PET) a gyflwynodd gais i'r categori 'Cyflawniad: Gweithio Gyda'n Gilydd' a Grŵp Oncoleg Genomeg Cymru Gyfan (AWGOG), Gwasanaethau Genomeg Meddygol Cymru Gyfan (AWMGS) a Chanolfan Ganser Felindre (VCC) a gyflwynodd gais ar y cyd i'r categori 'Arloesi' mewn Triniaeth'.

Yn llywyddu'r beirniadu ar y categori arloesi roedd panel o feirniaid uchel eu parch yn cynnwys Cyfarwyddwr Meddygol y Clinig Telefeddygaeth y DU, Cyfarwyddwr Clinigol Cancer Cymru yr Athro Tom Crosby, Prif Swyddog Gweithredol Tenovus Judi Rhys MBE a'r Athro Neil Mortensen, Llywydd Coleg Brenhinol y Llawfeddygon.

Yn ôl y sôn, roedd y beirniaid **"wrth eu bodd ac wedi rhyfeddu at nifer ac ansawdd y cyflwyniadau a dderbyniwyd"**.



Staff PGIC yn mwynhau Gwobrau

Moondance, o'r chwith i'r dde: Yr Athro Iolo Doull, Dr Andrew Champion a Sarah McAllister. Roedd Dr Champion a Sarah McAllister yn rhan o Grŵp Cyngori PET Cymru Gyfan ar y rhestr fer!

Wrth ddatgan canlyniad buddugol y cais Gwasanaeth Geneteg Meddygol Cymru Gyfan/Grŵp Oncoleg Genomeg Cymru Gyfan/Canolfan Ganser Felindre, nododd y beirniaid gyflawniadau aruthrol pob un o'r tair menter ganlynol a gomisiynwyd drwy PGIC:

1. Yn sgil peilot profion genynnau DPYD ar y cyd â Chanolfan Ganser Felindre, Cymru oedd y wlad gyntaf yn y DU i gynnig sgrinio ffarmacogenetig DPYD yn rheolaidd ar gyfer cleifion cancer sy'n derbyn rhai mathau o gemotherapi.
2. Ers ei ffurfio, mae Grŵp Oncoleg Geneteg Cymru Gyfan (AWGOG) wedi cyhoeddi canllawiau clinigol amserol ar brofion diagnostig ymasiad genynnau NTRK a FGFR2 ar gyfer triniaeth cancer yn dilyn argymhellion NICE.
3. Mae Gwasanaeth Cymru ar gyfer Diagnosis Oncoleg Genomig (CYSGODI) a lansiwyd yn 2021 yn cynnig gwasanaethau meddygaeth oncoleg fanwl o ansawdd uchel gan ddefnyddio technoleg dilyniannu cenhedlaeth nesaf i sgrinio ar gyfer genynnau wedi'u targedu mewn tiwmor a malaenedd haematolegol.

Llongyfarchiadau enfawr i Grŵp Oncoleg Genomeg Cymru Gyfan am ennill y Wobr Arloesedd mewn Triniaeth a hefyd i Grŵp Cyngori PET Cymru Gyfan am gyrraedd y rhestr fer yn y categori Gweithio Gyda'n Gilydd!

Unedau Newyddenedigol De Cymru

Mae tîm Ansawdd PGIAC yn cynnal ymweliadau newyddenedigol rheolaidd yn Ne Cymru. Bwriad y cyfarfodydd wyneb yn wyneb yw cryfhau perthnasoedd a datblygu dealltwriaeth o rôl y tîm ansawdd o fewn comisiynu. PGIAC sy'n gyfrifol am gomisiynu cotiau'r Uned Therapi Dwys a'r uned dibyniaeth uchel yn Ne Cymru.

Mae hyn ochr yn ochr â chefnogi pwysigrwydd adrodd a chasglu data yng ngoleuni cyhoeddiadau fel y Panel Goruchwyllo Gwasanaethau Mamolaeth Annibynnol (IMSOP) ac adroddiad Ockenden ac ymwybyddiaeth bod y gwasanaethau wedi cael llawer iawn o weithgarwch ac wedi bod dan gryn bwysau o ran y gweithlu. Yn ystod yr ymweliadau, anogwyd yr unedau i rannu tystiolaeth o Wella Ansawdd, arfer da ochr yn ochr â meysydd sy'n peri pryder gan gynnwys cynlluniau gweithlu a recriwtio.

Mae trafodaethau hefyd wedi cynnwys casglu profiad cleifion a chyfeirio at dîm y Bwrdd Iechyd i gefnogi hwyluso hyn.



Yn ystod yr ymweliadau roedd tystiolaeth o arloesiadau ysbrydoledig er budd cleifion, teuluoedd a'r staff ac rydym wedi gofyn i hyn gael ei rannu'n barhaus â PGIAC.

Ynghyd â rhai mentrau gweithlu i ddefnyddio rhai o'r swyddi gwag presennol yn fwy llwyddiannus i ddatblygu rolau ymarfer uwch a datblygu rolau Band 4. Hyd yn hyn mae'r tîm wedi ymweld â Bwrdd Iechyd Prifysgol Hywel Dda (BIP HD), Bwrdd Iechyd Prifysgol Cwm Taf Morgannwg (BIP CTM), Bwrdd Iechyd Prifysgol Bae Abertawe (BIP BA) a Bwrdd Iechyd Prifysgol Caerdydd a'r Fro.



BIP HDD

Rhoddodd Bwrdd Iechyd Prifysgol Hywel Dda gyfle i dîm Ansawdd PGIAC ymweld â'r uned newydd a chwrdd â'r tîm newyddenedigol. Roedd yn amlwg bod symud i amgylchedd gwell a rheoli gofal babanod newydd-anedig yn y cyfleuster newydd wedi cael effaith gadarnhaol ar y tîm.

BIP CTM

Ymweliad cadarnhaol iawn â'r tîm yn Bwrdd Iechyd Prifysgol Cwm Taf, bu'n gyfle i ddeall sut mae'r tîm wedi gweithio i fynd i'r afael â'r materion a nodwyd gan y Panel Annibynnol ar Ddiogelwch a Goruchwyliaeth Mamolaeth. Roedd tystiolaeth o ddatblygiad ymarfer a chefnogaeth i'r tîm clinigol ochr yn ochr â chylchdroi staff i wahanol feysydd clinigol a chefnogaeth i weithio gyda'r Canolfannau rhanbarthol.

BIP BA

Mae nyrsys o dramor wedi ymuno â'r Tîm yn ddiweddar ac maent yn y broses o gefnogi eu datblygiad gyda rhaglenni clinigol penodol. Mae'r rhain wedi cynnwys datblygu Arholiadau Clinigol Strwythuredig Gwrthrychol i alluogi trosglwyddiad esmwyth i'r gweithlu ac i fodloni gofynion y Cyngor Nyrsio a Bydwreigiaeth. Yn ystod yr ymweliad ochr yn ochr â chyfarfod â thîm yr Uned Gofal Dwys i'r Newydd-anedig (NICU) cyfarfu'r tîm Ansawdd â'r tîm bydwreigiaeth a ddangosodd y gwaith a wnaed gyda Neonatolegydd a'r Gwasanaeth Mamolaeth i alluogi'r model gofal trosiannol i gael ei ddefnyddio'n well i gefnogi model o gamu i lawr yn gyflymach o'r Uned Gofal Arbennig i Fabanod (SCBU).

BIP CaF

Rhoddodd ymweliad â'r uned gofal dwys i'r newydd-anedig gyfle i'r tîm Ansawdd ddeall sut mae'r Tîm Gweithredol yn mynd i'r afael yn barhaus â'r blaenoriaethau dyddiol o reoli'r darlun clinigol sy'n newid yn barhaus. Dangoswyd hyn trwy hwyluso sgwrs ddwywaith y dydd a'u hadrodd i'r Bwrdd Clinigol. Croesawodd y tîm clinigol y cyfle i rannu eu pryderon ynghylch materion yn ymwneud â'r gweithlu, dychwelyd adref a hyfforddiant.

Roedd y rhain yn cynnwys yr anawsterau o gael teuluoedd weithiau a oedd wedi dod yn ddibynnol ar y Canolfannau rhanbarthol a'u pryderon ynghylch cael eu dychwelyd yn ôl i'w byrddau iechyd lleol, oherwydd diffyg dealltwriaeth canfyddedig o sut y byddai eu hanghenion arbenigol penodol yn cael eu diwallu. Amlygwyd y pryder hwn o safbwynt y teulu a phersbectif y timau clinigol. Cododd y tîm clinigol bryder ynghylch sgiliau a gwybodaeth leol mewn perthynas â rheoli rhai o'r achosion llawfeddygol mwy cymhleth.

Bu digwyddiad recriwtio yn ddiweddar gyda pheth llwyddiant o ran recriwtio allanol. Mae nifer o swyddi nyrsio gwag yn bodoli o fewn y tîm ac mae cynllun i gefnogi symleiddio myfyrwyr gyda gor-recriwtio i rai o'r swyddi gweigion hyn.



Uwchgynhadledd Mamolaeth a Diogelwch Newyddenedigol

Mae Sue Tranka, Prif Swyddog Nyrsio Cymru wedi lansio'r Rhaglen Gymorth Diogelwch Mamolaeth a Newyddenedigol i wella diogelwch, profiad a chanlyniadau i famau a babanod yng Nghymru. Bydd hyrwyddwyr mamolaeth a newyddenedigol yn cael eu penodi i bob bwrdd iechyd yng Nghymru i wella ansawdd gwasanaethau ac i gefnogi Gweledigaeth Pum Mlynedd Mamolaeth.

Nod y Rhaglen yw creu safonau cenedlaethol i sicrhau y bydd pob unigolyn beichiog, babi a'u teuluoedd yn cael gofal iechyd diogel o ansawdd uchel ynghyd â dylanwadu ar eu penderfyniadau ynghylch eu gofal Cynhaliwyd yr Uwchgynhadledd Mamolaeth a Diogelwch Newyddenedigol ym mis Awst 2022 ac roedd nifer dda yn bresennol yn bersonol ac o bell.

Cafwyd ymgysylltiad gan y cyfranogwyr, a gafodd eu hannog i gyflwyno cwestiynau ar-lein i'r panel cyflwyno. Roedd hyn yn nodi themâu cydweithredol ymhlith y gynulleidfa ac yn hwyluso cyfle i rwydweithio yn bersonol.

Gwobrau Fferylliaeth Cymru 2022



Cafodd rhaglen feddalwedd Blueteq High Cost Drugs (HCD) ei chaffael ar gyfer GIG Cymru gan PGIAC a Llywodraeth Cymru drwy Fwrdd Therapiau Uwch Cymru, i gefnogi gweithrediad Cynhyrchion Meddyginiaethol Therapi Uwch (ATMPs) a HCDau eraill a gomisiynwyd gan PGIAC. Treialodd Gweithgor Prosiect Blueteq y system ym mis Mai 2021. Ym mis Ionawr 2022, aeth y system yn fyw ar gyfer pob HCD a gomisiynir gan PGIAC.

Mae'r system newydd hon yn galluogi GIG Cymru i archwilio'r broses o sefydlu HCDau cymhleth yn unol ag argymhellion arfarnu technoleg iechyd sy'n seiliedig ar dystiolaeth, i gefnogi casglu a gwerthuso data clinigol ac i gryfhau llywodraethu ariannol.

Mae ffurflen Blueteq yn cael ei chreu ar gyfer holl Werthusiadau Technoleg y Sefydliad Cenedlaethol dros Ragoriaeth mewn Iechyd a Gofal (NICE), technolegau hynod arbenigol a meddyginiaethau a gymeradwyir gan dîm meddygol PGIAC mewn cydweithrediad ag arbenigwyr clinigol Cymreig.

Mae gweithredu Blueteq yn sicrhau mynediad teg ac amserol at HCDau arbenigol ar gyfer cleifion cymwys ledled Cymru.

Mae prosiect Blueteq wedi cyrraedd rhestr fer rownd derfynol Gwobrau Fferylliaeth Cymru 2022, sy'n gyflawniad gwych.

Da iawn i'r tîm!



FINALIST

THE VALE RESORT,
GLAMORGAN
WEDNESDAY 7TH
SEPTEMBER 2022

DRINKS RECEPTION
6.30PM

AWARDS BEGIN
7.30PM

Newyddion Cyflym o'r Timau Comisiynu



Iechyd Meddwl

Strategaeth 5 mlynedd yn cael ei datblygu ac yn mynd rhagddi'n dda gydag ymgysylltiad a chefnogaeth ragorol gan Dimau Clinigol Cymru.



Merched a Phlant

Mae'r Strategaeth Pediatrig yn ennill momentwm ac allan ar gyfer ymgynghori.



Niwrowyddorau a chyflyrau hirdymor

Mae strategaeth Cymru gyfan i wella canlyniadau a phrofiad cleifion sy'n cael adsefydlu arbenigol ar y gweill.



Canser a'r Gwaed

Diwrnod Gwella ac Arloesedd Gwasanaeth Anhwylder Gwaedu Thorasig ac Etifeddol i'w drefnu. Enillodd ENETS wobwr Profiad y Claf a bydd yn cynnal digwyddiad dathlu ar 13 Hydref.



Gwassanaethau Cardiaidd

Diwrnod Gwella ac Arloesi Gwasanaeth Ffibrosis Systig wedi'i drefnu ar gyfer 11 Tachwedd 2022.



Methiant y Coluddyn

Gwaith parhaus yn cael ei wneud gyda'r tîm comisiynu Methiant Coluddol a ffurfiwyd yn ddiweddar ac o ganlyniad i'r adolygiad Methiant y Coluddyn a'r Diwrnod Gwella Gwasanaeth ac Arloesi.

Cydnabod digwyddiadau arwyddocaol, diolch a dolenni defnyddiol

Mae Adele Roberts, Pennaeth Ansawdd PGIAC, yn derbyn parcel arbennig gan glaf a gafodd gymorth drwy lwybr Rhywedd NHS England:



Lieutenant Colonel

Ar ran milwyr Cymru, rwy'n ddiolchgar iawn am y gofal cleifion ardderchog mae'r system yn ei darparu ac am y ffordd gyfeillgar, hyblyg ac effeithlon mae'n cael ei gweinyddu gennych chi a Catherine. Mae cleifion yn mwynhau gofal gwych gan y darparwyr yng Nghymru. Mae'r opsiynau ar gyfer unigolion dethol i'w gweld yn gyflym er mwyn eu gwneud yn addas ar gyfer dyletswydd a datblygu eu gofal yn drawsnewidiol... Mae fy nghydweithwyr mewn rhannau eraill o'r DU yn eiddigeddus o'r gefnogaeth hon i'r fyddin yng Nghymru.



Y Weinyddiaeth Amddiffyn (MOD)

Derbyniwyd diolch gan Lieutenant Colonel gyda'r Weinyddiaeth Amddiffyn i PGIAC gan y Cyfarwyddwr Cyllid, Stuart Davies a Catherine Dew, rheolwr IPFR.

Dolenni defnyddiol

- [Pwyllgor Gwasanaethau Iechyd Arbenigol Cymru](#)

Iechyd Cyhoeddus Cymru - gwerthusiad gweithredu 30 mis ar gyfer Profion Cynenedigol Anfewnwthiol (NIPT)

Mae PGIAC yn comisiynu NIPT ac fe'u hysbyswyd gan Iechyd Cyhoeddus Cymru o ganfyddiadau'r gwerthusiad o'r 30 mis cyntaf ar ôl gweithredu hwn fel prawf wrth gefn fel rhan o'r rhaglen Sgrinio cynenedigol yng Nghymru wedi'u cyhoeddi'n ffurfiol yn rhifyn mis Mai o Prenatal Diagnosis, cyfnodolyn a adolygir gan gymheiriaid.


[Implementation of non-invasive prenatal testing within a national UK antenatal screening programme: Impact on women's choices - Bowden - 2022 - Prenatal Diagnosis - Wiley Online Library](#)



Iechyd Cyhoeddus
Cymru
Public Health
Wales

Rhaglen Rhwydwaith Clinigol

Fel rhan o'r gwaith strategaeth mae PGIAC wedi bod yn gweithio'n agos gyda'r Rhaglen Rhwydwaith Clinigol ac er bod enwau a threfniadau'r rhwydweithiau yn y diagram isod yn dal i gael eu trafod, roeddem yn teimlo y byddai'n ddefnyddiol eu rhannu fel rhan o'r ymgysylltu â rhanddeiliaid a gynhaliwyd. dros y flwyddyn ddiwethaf. Mae'r Rhaglen Rhwydweithiau Clinigol yn rhan o weithredu'r Fframwaith Clinigol Cenedlaethol o fewn Gweithrediaeth y GIG.



NETS

Mae Gwasanaeth Canser Niwro-endocrin De Cymru wedi derbyn Achrediad Canolfan Ragoriaeth gydag NETS (Cymdeithas Tiwmorau Niwro-endocrin Ewrop) – llongyfarchiadau mawr i Dr Mohid Khan:

ENETSCoE
ASSURING QUALITY SINCE 2009



DR Mohid Khan, Cardiff and Vale University Health Board

Llongyfarchiadau mawr gan Dr Sian Lewis, Rheolwr Gyfarwyddwr PGIAC, tîm comisiynu niwrowyddorau, sicrwydd sylweddol gan y tîm Archwilio a Sicrwydd ac i'r tîm fferylliaeth Eleri Schiavone, Dr Andy Champion a'r Athro Iolo Doull ar gyrraedd rownd derfynol gwobrau fferylliaeth.

"Da iawn dîm, rydyn ni'n falch iawn ohonoch chi!"



Rhestr Wirio/ Adroddiad Archwilio
ENETS Caerdydd



GIG
CYMRU
NHS
WALES

Pwyllgor Gwasanaethau
Iechyd Arbenigol Cymru
Welsh Health Specialised
Services Committee

CYLCHLYTHYR

Comisiynu Arbenigol Gwasanaethau
Iechyd Cymru



GIG
CYMRU
NHS
WALES

Pwyllgor Gwasanaethau
Iechyd Arbenigol Cymru
Welsh Health Specialised
Services Committee

pgiac.gig.cymru

Hydref 2022

Ar gyfer ymholiadau neu fanylion am unrhyw agwedd yn y
Cylchlythyr hwn, cysylltwch ag Adele Roberts, Pennaeth Diogelwch ac
Ansawdd Cleifion neu Leanne Amos, Swyddog Cymorth Gweinyddu
Ansawdd.

E-bost: Adele.Roberts@wales.nhs.uk / Leanne.Amos@wales.nhs.uk



GIG
CYMRU
NHS
WALES

Partneriaeth
Cydwasaethau
Shared Services
Partnership

Cynlluniwyd gan Gyfathrebu Partneriaeth
Cydwasaethau GIG Cymru